

三河縣志序

州邑之有志原於
列國之史所以記
一時之治績後事
之文獻係焉第求

序

其產者近世惟康
民武功諸志其餘
無聞直隸州邑之
志舊稱陸清獻靈
壽縣志一書誠得

紀傳之體蓋其人
鉅儒以一邑之身
懷天下之大故其
文卷帙益多而深
厚宏濶成一象之

序

二

言非李元仲諸人
有喜極古而反破
其體例者可以余
官是地久志嘗從
事於斯凡河渠祀

典賡紀志既輯有
成書歆為通志拾
遺補闕而尤喜諸
屬吏有能留意一
州一邑之志者如

序

三

吳守度平高志揚
牧蔚州志補洪令
寶坻縣志及遷安
蕪令沙河杜令兩
縣志大率體例明

核文辭雅正則皆
為文以序傳之誠
以作史者據檄准
官希一邑之宜歆
周知地方利弊于

序

四

以真之剔之以成
一代風俗之善要
左鑒古人之成迹
則志業誠不可少
寫三河為

畿東要地密邇首善
霑被

聖天子之雅仁者最深極
厚乃百餘年未竟
未者志即略具草

序

五

稿亦不醇不備未
付剞劂按風土者
有激憾寫陳令臬
宰洵四年四歲咸
安之庚辰冬既以

遷授麻哈州將玄
馳謁余以邑志適
竣事請余一言弁
簡端夫信今傳後
作志之法也修廢

序

六

舉墜有司之職也
陳令於數年中輯
成此書不以玄任
易厥志陳令可為
知本矣繼自今宰

斯土者屢卷叢冊
曉然于立政之宜
未必非治道之一
助也余故表其意
為書此以昇之使

序

七

與吳君諸書俱不
泯焉


乾隆二十五年歲
次庚辰十二月太
子太保都察院右

新河縣志

卷之五

三河縣志



縣城圖



二河縣志

河圖



三



三河縣志

縣治圖

四




三河縣志



學宮圖

五

訓導宅



馬



教諭宅



崇聖祠



文昌祠




忠義祠



△△

三河縣志



三河縣志序

乾隆丙子歲余蒙

制府

題授洵邑早夜惕厲思所以報稱者
必先周知一邑之疆域山川津
梁道里戶口賦役土俗民情而
後可以盡厥職因索舊志於椽

叙

吏吏曰未有也久而始獲康熙
年間前令鄭公富民所輯志稿
畧而未備其序云邑故無志志
之者始於明季邑令王公自謹
脩於

國初邑令任公塾而皆未鋟木今
相去又五十餘年矣故老淪亡

遺書散佚歷年愈久陳迹愈湮
後之人將欲述古準今求斯邑
文獻所在其孰從而詢之余竊
惟邑自漢潞縣始至唐開元而
始有三河之名上下二千餘年
凡山川之險易井里之參差城
池學校之興廢戶口賦役之多

叙

二

寡與夫驛站倉庫代草世沿風
物人材蔚生鬱秀志之不可以
已也况洵邑密邇

京師首善之區我

國家重熙累洽

聖聖相承涵濡深厚

皇上湛恩江濺休養生息雅化日隆

可無邑志以備輜軒之採哉余
時時默為搜羅考訂而未敢遽
率爾也歷三年己卯畧有成緒
是冬亟集邑紳士於明倫堂謀
於薛學博文儒李司訓溥作脩
志計屬丁尉世榮專司提調延
請江南孝廉王大信邑紳董炳

叙

三

偕子姪貢生植滋舉人存矩等
相與旁搜遐攬各抒所學互相
考索而以正史經傳會典一統
志文集雜著之書訂其得失復
採擇舊志之可存者改刪譌謬
仍列原序於卷首以表前人披
輯之意又寒暑一週五易稿而

始成然後送太史朱東江先生
鑒定呈請

督憲錫之序文以弁簡端謹急付
梓庶傳一邑之信焉第洵邑既
無刻志又無傳書邑中更鮮稽
古洽聞之士欲求太史公所云
其文雅馴昌黎所云擇焉精語

叙

四

焉詳者烏可得耶語云始事也
簡茲志不過就聞見備遺忘聊
存文獻於什一俾洵之疆域山
川津梁道里戶口賦役土俗民
情可展卷而知其梗槩云爾
時

乾隆二十五年嘉平穀旦